


www.BibleForChildren.org



Mbulembu 6




Waa oshilokpa Nuwa. Nuwa
bu onye bu e ya pho bu onye
pfunberu-eka-oto; ophu uta
adudu iya l'ehu le ndu teke
ono; teme ephe le Chileke swia
oswi. Chileke huma ge mgboko
mebyihubewaru;

noo kele
ndu bu le
mgboko
mebyishibebewaru
onwophe.



Ọọ ya bụ; Chileke sụ Nuwa: “Mu abyawaa
eme ọ́ nemadzu l'ophu chihu; noo kele
iphe, jiru mgboko bụ iwashi; ọ bụru pọ
kparụ iya. Sụ-a; mu abyawaa
pọ́ emebyishi; mebyishikwapho
mgboko.”




“Ọọ ya bụ; je egude oshi gofa kụa ụgbo;
tubushia ya ọmulo ọmulo l'ime iya; gude
ụnwù dachishia ya ime; yee azụ.”



Waa g'ii-gude kụa ya baa:
ụgbo ono a-dụ ụkporo
nkwo-ẹka iri l'ise
l'ogologo; ọsa iya
aburu
ụkporo


nkwo-ẹka
labo le
nkwo-ẹka iri; l'ọ
bya adụ ụkporo
nkwo-ẹka le nkwo-ẹka
iri l'eli.



“l̩bya ah̩o nri l'asa iya
l'asa iya dobe g'ọ b̩ru nri,
unu l'ẹphe e-rije.”




L'ì bya ahọo iphemiphe, dzụ ndzụ ẹbo ẹbo; okee lẹ
nyee; dobe ndzụ l'ẹka ì nọ.




Hota anụ, a ta sọdu nsọ ẹsaa ẹsaa;
okee le nyee. L'i hota anụ, aasọ
nsọ ẹbo ẹbo; okee le nyee.






Nuwa; yẹ ụnwu iya;
waa nyee ya; waa unyomu
ụnwu iya bya abahụ l'ụgbo ono;
g'ẹphe gbalarụ utso ono.





O be l'apha, kwe Nuwa ụnu apha
l'ụkporo apha iri; le mbọku, ọnwa
k'ẹbo dọepho l'abalị iri l'ẹsaa;
ọgba mini ime alị gbafushihu; teme
a gụhashia ẹnya mini k'akpaminigwe.





Igwe dzee mini le mgboko ukporo
abali labo eswe l'enyashi.




Mini ono nọdu abyaephō kẹ
kùlakula lẹ mgboko; ụgbo ono
nọdu ese eli l'eli mini.




Utso ono byaa shii lẹ mgboko; bya atuko úbvú, nọ igwe
lẹ mkpula gbamikota. Iphemiphe, nọ l'eli mgboko, dzu
ndzu, atụ unme l'imi nwushikota.



Obenu lẹ Chileke nyataru-a Nuwa; waa
anu-egbudu; me anu, bu iphe-edobe,
ephe l'iya tukoru nodu l'ugbo ono. O bya
emee ge pherephere wata ezizi le
mgboko; mini ono wata alala.





Ọ bya atufu ndo g'ọ
maru ?mini ono
tahugbuwaru l'eli alị?



O rwua lẹ g'ọnwa k'ẹbo dọ l'ụkporo abali l'abali ẹsaa;
ali kpohukotawaa nkụ. Ọo ya bụ; Chileke sụ
Nuwa: “Unu lụfuta l'ụgbo ono; gụ lẹ nyee
ngu; waa ụnwu
ngu; waa unyomu
ụnwu ngu.”



Nuwa bya akpɔ̄aru
Chipfu ɔ̄ru-ngweja;
bya ahata anɔ̄; yee
enu ndu k'ɔ̄phu
a ta sɔ̄du nsɔ̄; bya
egude gwee
ngweja-akpo-oku nu
Chipfu l'eka ono.



Chileke sụ:

“Waa iphe, egoshi
ogbandzu ono, mu
l'unu; waa iphe, dzu
ndzu, unu l'ephe tukur
nodu l'eka ono; waa ogbo
ophu no l'iphu agba bu owa-a.

Mu wowaru eko-mini
mu dobe l'akpaminigwe;
teme oo-bujeerupho
iphe, egoshi ogbandzu
mu le mgboko l'ophu.”




“Teke igwe rwuru
erwurwu; ọ gbaa
ẹko-mini ono; mu
a-nyata ọgbandzu mu
l'unu; waa iphe, dzu
ndzu l'ophu, dula je l'udu iya
l'udu iya. Mbụ le mini ta


abyabaedu abya utso
bya erigbushia iphe,
no ndzu ozo.”



Chileke bya agoru
onu-oma nụ Nuwa yee unwu iya;
sụ phẹ: “Unu zùà azùzù; kabaa
igwerigwe; unu azụa
zụ-jia mgboko.”



“Ụnwu Nuwa, shi
l'ụgbo ono lụfuta bụ Shemu; waa
Hamu; waa Jiafeti. Ọ bụru Hamu
bụ nna Kénanu. Ọ bụru shita
l'ụnwu Nuwa unwoke ẹto-a
bẹ nemadzụ shiru
dzuru mgboko l'ophu.”



Lẹ Chileke yekwaru ndiphe obu;
yetabe iya k'ophu o nuru Nwa lanu,
o nweru kpoloko: g'oburu onye
kwetaru nkiya; onye ono taa
ladu l'iswi; o nwechiaru
ndzu ojejoje.



Romu 3:23 kele onyemonye mewaru iphe-ẹji; shi nno nafu onwiya odu-biribiri ke Chileke.

Romu 6:23 Ugwo, aanata l'iphe-ẹji bukwa anwuhu; iphe-oma, Chileke eme bukwannuru ndzu ojejoje ophu shi Nnajiuphu anyi, bu Jizosu Kereshi l'eka.

Hiburu 9:27 Iphe, duru onyemonye bu l'onyemonye nwuhufutaje akpo lanu; o nwuhuchaa; iphe ozo, e-mefuanu bu le Chileke e-kpe iya ikpe.

Efesosu 2:8,9 Oo l'oo le Chileke menukaru eze-iphe-oma meru g'o gude o dzoo unu. Adzodzo ono shi l'ekweta, unu kwetarū ke Kereshi; o to bukwa unu be o shi l'eka; o buepho iphe-oma, Chileke meru unu ke mmanu; ophu o budu iphe, e setaru l'akanya; g'o to dukwanu onye e-gude iya wata eku onwiya.



Romu 10:9,10 Teke ọ bụ l'i gude ọnu ngu pfua ya hoo haa
l'ọo Jizọsu bụ Nnajiuphu ọbu; bya egude ọkpoma ngu g'ọ
ha kweta lẹ Chileke meru iya; o shi l'ọnwu teta dzuru ndzụ;
l'a dzọo ngu. Onye gude obu iya g'ọ ha kweta; Chileke
agụa ya l'onye pfuberekoto; ọ bụru ọnu bẹ eegudeje pfua
kẹ Kéreshi hoo haa; l'adzo onye ọbu.

Jionu 3:16,17 Lẹ Chileke yekwaru ndiphe obu; yetabe iya
k'ophu ọ nuru Nwa lanu, o nweru kpoloko: g'oburu onye
kwetaru nkiya; onye ono taa ladu l'iswi; o nwechiaru ndzu
ojejoje. Iphe, Chileke yedoru Nwa iya g'ọ bya lẹ mgboko-a
ta abukwa g'ọ bya anmaa ndiphe ikpe. Ọ kwa g'ee-shi iya
l'eka dzọo ndiphe.



1 Jionu 5:11-13 Ekebe ono bu le Chileke nuru anyi ndzu ojejoje; waa le ndzu ono bu l'ehu Nwa iya be o shi. Onye yee Nwa iya ono tugbaru buru nanu be nweakwa ndzu ono; ophu onye yee Nwa iya ono atugbaduru buru nanu enwekwanu ndzu ono. Su-a; iphe-a, mu ede-a bukwa unubedua, unu le Nwa Chileke tugbaberu buru nanu-a be mu ederu iya; g'unu amakwanuru l'unu nwewaru ndzu ojejoje ono.



Mbulembu 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Izii Bible (izz) © 2014, Wycliffe Bible Translators, Inc. All
rights reserved.

<https://live.bible.is/bible/IZZTBL/GEN/1>

©2026 Bible for Children, Inc.

www.M1914.org

www.bibleforchildren.org

